



22202

III

Mag. St. Dr.

P

Bibl. komp.

Ireas

Craioviensis


Craioviensis Societatis Vesp. Collegii: Echo conie  
lus olivini ad petram refracti.

PANEG. et VITAE

Polon. Fol.

N<sup>o</sup>. 1487.







ECHO  
CONCENTVS OLORINI  
Ad PETRAM refracti.

Seu  
PANEGYRICA  
GRATVLATIO.

Quâ  
Virtutis & Honoris harmoniæ.

ILLVSTRISSIMI & REVERENDISSIMI  
PRINCIPIS ac DOMINI

D. A N D R E Æ  
T R Z E B I C K I,  
EPISCOPI CRACOVIENSIS,  
DVCIS SEVERIÆ.

Dum suam ac Regni sedem auspicatò adiret,  
ad numeros Gloriæ immortalis resonanti.

R E S P O N D E B A T.

*Devotissimum Suae Celsitudini ac devotissimum*

COLLEGIVM CRACOVIEN: SOCIETATIS IESV.

*ad Regiam SS. PETRI & Pauli Basilicam*

Anno à Christi in terris ortu M.D.C.LVIII. 3. Nonas Novemb.

C R A C O V I Æ,

In Officina Typographica Ioannis Pauli Cezary, Illustrissimi ac Reverendissimi  
Principis, Episcopi Cracoviensis Typographi.



Canente Cygno Scopuli & valles respondent  
Oppian. apud Aldrovand.



BIBLIOTH. UNIV.  
VARELLONICAE

22202 III  
Qui modo Sanæis niveus confederat undis,  
Nunc super Istuleas confidet Ales aquas.  
At quocunq; locet felicem flumine nidum  
Hic Olor, argutum concinit ore melos  
Dulce melos Scopulis & vallibus, eminus illi  
Responsat fracto saxea PETRA sono.  
Mireris, nostrâ sequimur si voce canentem?  
A PETRI resilit vocis imago PETRA.





ILLVSTRISSIMO & REVERENDISSIMO  
PRINCIPI ac DOMINO

D. A N D R E Æ  
T R Z E B I C K I,

Dei & Apostolicæ sedis gratia  
EPISCOPO CRACOVIENSI  
Duci Severiæ.



*Vm tot, tantisq; officiis venerantium Honores Tuæ Illustrissimæ Celsitudinis pars accedimus, paribus studiis voluntatum, impari necessitate agimur, & causâ PRINCEPS ILLVSTRISSE Commune cæteris pietatem eodem, quo cæteri debito, studioq; ut ex animis in lucem proferamus, unum idemque est jus Honoris, quo nos, aliosq; officio Patris optimi, ac Pastoris complectitur T. Celsitudo. At verò eò justius crescere in nobis pietatis, ac observantiæ peculiaris nomina necesse est, quo constantior nobis est singularis Tuæ Celsitudinis erga nos benignitatis usus. Quem primis adolescentiæ surgentis annis propensissimum animi affectum nobis attulit Tua Celsitudo, servat constantissima voluntate; nisi quod & ille major creverit crescentium annorum, Honorumq; procursu. Quamquam & Honoribus Tuam Celsitudinem adeo succrevisse, rationibus nominum, quibus obstringimur Tuæ Celsitud: adscribimus lubentes, quòd altissimas spes de se nostras iis jam exordiis conceptas in verissimum altitudinis verticem provexerit Tua Celsitudo egregio insignis industriæ, ac vir-*



tutum conatu. Ita crescere oportebat Tuam Celsitudinem quam virtus  
proveheret; quam adeo ducem habuit ad Honores, ut ne assequi voluis-  
set, nisi mereretur. Hæc illa jucundissima est in Tua Celsitudine Virtu-  
tis, & Honoris harmonia, quam mirabili consensu utriusque gratissi-  
mam exhibet T. Celsitudo animis, atque oculis; ipsis demum auribus  
infundit, quod clarissimâ gratissimi concentus famâ, & opinione Or-  
bem impleat T. Celsitudo. Nos, quam gemino aurium, atque oculo-  
rum usu percipimus harmoniam, refundimus in T. Celsitudinem, ut vi-  
deri possit jucundissimus hic, & harmonicus virtutis & Honoris in  
T. Celsitudine consensus hic etiam reflecti à seopulis saxeis, ac PE-  
TRA, quod à PETRI Principis Episcoporum clientibus referatur.  
Cracoviæ ad Basilicam SS. PETRI & Pauli.

Illustrissimæ Tuæ Celsitudinis

humillimis obsequiis devotissimum ac  
devinctissimum

Collegium Cracovien Soc: Iesu.

PANE-



# PANEGYRICVS

**I**Nter geminam ac germanam Virtutis & Honoris dignitatem, gentilitius OLOR TUUS, PRINCEPS Illustrissime, fortunato veriùs meritorum, quàm alarum remigio, ad debitam Tibi Celsitudinem, provehitur altiore passu, quàm humano. Neque enim vulgari vestigio procedere oportet ingentibus juxta ac justissimis studiis contendentem ad utriusque gloriæ immortalitatem: neque Tu meliori in hanc Tuo Nomini devotam urbem ingredi apparatu potes, quàm cum hæc fortunata Heròum decora Tecum ducis in comitatu. Hæc verò tam constanti fædere in Te cohæserunt, ut perenni nexu, æque virtutem Honor, ac Honorem Virtus complectatur. Is enim es, qui raro humanæ felicitatis munere, eâ prope necessitate ageris, ut semper ac ubique utraq; hæc perennis gloriæ nomina Tecum circumferas, Tuoque exemplo doceas, nunquam solitariam incedere certam Dignitatem. Gratum oculis animisque spectaculum, cum novi Honoris nuper candidatus, candidus Ales Tuus, expedito cursu, per immensa meritorum spatia, tandem ad tam sublime Pontificiæ Celsitudinis solium evadit, & concentu famæ immortalis concordem in animis omnium, provocatis in certamen affectibus, excitat harmoniam. Profectò non alium, quàm hunc faustitatis Nuntium Tuo adventui præire oportuit, ut nemo ambigeret, Te Bonis Avibus, fortunatissimum Hospitem venire. Avertit fatorum fortunæq; arbitriū,  
A  
exor.



exortum in hoc Hemisphærio amicum fidus, quod Tuæ,  
ac nostræ felicitatis diem, absque occasu auspicatur.  
Hanc ipsa fulminantium armorum victrix Poloniæ  
Aquila persentiscit, post sævam tumultuantium bellorū  
tempestatem, respirare sibi visa, cum spirantes opta-  
tam pacem jugales Phœbi O L O R E S, triumphali curru  
Ævum aureum, pæne jam invehere huic Regno videt.  
Tu interea nostrarum voluntatum aditus, adeo præ-  
valido cordibus lætitiæ assultu occupasti, ut datis ma-  
nibus victori Gaudio, animos Tibi servaremus, quo-  
rum jure optimo debitam possessionem prius, quàm  
Præsulei Honoris fastigium adires. Consecratas Tuo  
ingressu urbis hujus vias, non profanâ superstitione  
credimus, quibus Sacrorum P A T R E M sacratione Tiarâ  
conspicuum, ad Tutelares Divorum Aras, votis religio-  
sioribus magis quàm passibus profecuti sumus. Huc Tu  
festinasti non inani ambitu, ad honorum prævolante  
metas, sed lentâ, nihilominus maturâ jam inde à primis  
adolescentiæ annis festinatione; naturam imitatus per  
ætatum incrementa solidiùs invalescentem. Abesse  
Tua Te indoles ac virtus voluit ab eorum numero,  
quos temeraria fortunæ prodigalitas, aut præcox blan-  
dientium favorum aspiratio, non tam maturitati pro-  
vehit, quàm interitui nominis immortalis. Non gene-  
re duntaxat solo nixus, quanquam & illud Tibi à tot  
sæculis, ac priscis, longèque candidissimis Cygneisq;  
titulis illustre: sed iis virtutibus ac studiis Te Honori  
Tuo maturasti, quibus ad summa provehuntur, qui  
merentur. Nimum verò hic laboris sustineat Elo-  
quentia necesse est si singulis gradibus insistat, per quos  
ad hanc altitudinem evasisti, Assurgere nimirum eò  
Tibi ab exordiis longo deinceps gressu fuit facilius,  
quàm



quàm illa studio comparatâ sequi Oratione possit, & cum passu æquali Tuæ dignitati, Tuisq; meritis contendere non possit, jacet infra sua vota, jaceretque pæne muta, nisi vires animum-que colligeret à Tua benevolentia, quâ elingues etiam animare possis benignissimo descensu humanitatis maximæ Oratoris ruinam restaurante; ut hic mihi etiam OLOR Tuus Te referat, quòd quicquid ille voce adeo laudatâ possit ad aurium voluptatem, Tu pæne ad vitam præstes in animis suavissimâ facilitate humanissimæ benignitatis Tuæ. Quanquam ut tacere velit aut debeat magnitudine oppressa Eloquentia; scribendo equidem vires arrigat oportet, cui vel ipse OLOR Tuus pennas ingerit, Illustrissimi Honoris Tui, & cui se ille comitem addidit, laudatissimæ Virtutis Tuæ obsequio provolantes. Nam quòd olim prætenfas galeis Cygnorum pennas militaribus allegerit ornamentis Militia Romana, Martem ego Romanum crediderim palam face-revoluisse, non aliud sibi gratius ornamentum, quàm quod ab Apolline, & quos Apollini fabulosa antiquitas non inutiles commento dedit, ab Oloribus aut Olorum pennis, atque ut rem semel eloquar, à calamo laudatore haberet: Tibi, Tuisq; insignibus à primo magni generis auctore cessit hic ipse dives calamorum OLOR, ut vel prima inter incunabula felix augurio loqueretur ales Apollinis, futurum, tot inter illustria tanti sanguinis nomina, cui cantus, calamiq; Cygni & Apollinis meritissimo desudent. Instructum calamis à primis originibus accepisti Cygnum, quòd & Tu olim calamo saluti Patriæ, Tuæque gloriæ sudaturus esses, & jam volens nolens ingereres calamos, quibus tot eximiæ, planèq; Pontificiæ, juxta ac Senatoriæ Virtutes Tuæ,



ad perennem sæculorum memoriam transfirent. Illud est, quòd sincerâ potius promptitudine animorû, quàm calamo agimus, atquè inter auspîcata novæ voluptatis exordia, quamprimo in hanc Sedem Pontificij Honoris Tui aditu, bonis omnibus affudisti, propensissimis voluntatum studiis vovemus. Tibi alia est semper laudum cura, citra ambitionem laudis, dum nunquam non eo more atquè instituto vivis, ut laudem merearis ipso Virtutis Tuæ præconio laudatissimus, silentibus etiam calamis ac linguis: nos, si quid est, quod Tuis obsequiis debemus volumusque, acceptum ferimus Tibi ipsi, qui uberrimam laudum materiem, Te ipsum vel elingui facundiæ fecisti, dum ita vixeris, ut non tam annorum, mensiumve curriculo, quàm continuo provectu meritorum, mortalem vitam produceres immortalis. Inter ipsa nascendi exordia præcipere visa est pietas Christiana, quis in lucem venires, jamquè nescia non inani præfagio, eum Te videbat dicebatquè, qui futurus eras, cum primùm esse ac vivere cæpisses. Quid enim illa ipsa solennior Tui Nominis fuit inauguratio, quàm fortium, magnorumq; olim operum felix fortunatumquè auspiciu? Brevi nomine in Te definitum sensimus, quod prolixiore & arduâ rerum gerendarum serie, complexurus eras. Felici nomenclaturâ magna vitæ decora consignasti, ut facilè ex summo utriusq; consensu esset concludere de summâ Virtutis ac dignitatis Tuæ. Gratum omnino Nomen, (licet hîc Cassiodori verbis loqui) quod designant protinus actiones, quando tota ambiguitas audienti tollitur, ubi in vocabulo concluditur quid agatur. Quod si defluentes rivuli à fontibus, à rivis magnitudo descendit, & Virtus Aviû à nido est; quales Te sanguinis venas à Maioribus Tuis,



Tuis derivasse oportuit, quorum animi candorem, morumquè probitatem, non magis in Patrio Stemmate, tanquam nativo virtutis symbolo quàm in Te ipso repræsentas. Ultra communem mortalium sortem, alienæ opis non indigus in lucem prodiisti, dum collectas avitæ Gloriæ opes, intra Domûs Tuæ penetralia reperisti. Facile ad ampliora Tuæ magnitudinis incrementa assurgere poteras, cui subnixæ eximiâ altitudine Maiorum cunæ, sublimes fecêre gradus, ad summum Virtutis & Honoris verticem facilè capeffendum. Nec Tibi opus erat aliunde, futuræ magnitudinis Tuæ auguria quærere, aut arcanis de Te siderum consiliis agere, quem non vagis atque erroneis Planetarum ambagibus, sed stabili & solido Virtutis arbitrio cæli benevolentia subjecit. Ex primo Infantia Tuæ exordio, tanquam ex aspectabili augustioris ædificij vestibulo, discernere de Tua magnitudine potuit Annorum Mater Gloria, quæ Te vetustissimi maximi que Generis Nepotem, ut in lucem editum sinu obvio excepit, nihil in Te tam tenerum advertit, quod olim non in eam excresceret dignitatem, quæ in Tua magnitudine parem sibi sedem reperiret. Admovit animo quæ in Majorum cineribus latebant faces, ut vivâ eorum recordatione, non tam memoriam excitaret, quàm studium, faceretque conniti jam inde velles, ut æquissimus avitorum decorum possessor eò sensim evaderes, unde nova lucis incrementa refunderes in avos, proavosque. Par tam altis molitionibus indoles, validis ingenii viribus usâ in obsequium, maturavit facilem pacemquè animum probitati ac dignitati, jamq; omnibus testatum faciebat, eum Te in possessionem vetustissimæ gloriæ venisse, qui pares humeros honestis-

B

simo



fimo oneri afferres, auctamque longo ætatum cursu  
proavorum claritudinem pro viribus subires. Ferebas  
vivam in Te Tuorum imaginem, cum immaturam  
ætatem Tuam, non tam annorum, quam Virtutis  
ac Sapientiæ progressu, ad summa quæque maturares.  
Ita jam tum genuinis coloribus, germanam in Te re-  
fingebas Dignitatem, ut Te Olorini sanguinis here-  
dem, à sæcundo illo ac illustri Gentilitiæ Nobilitatis  
Nido, candidissimæ luci ortum nemo dubitaret. Adeò  
rapitur in similitudinem suorum excellens quæque in-  
doles & natura, magnique à sanguine Nepotum genii,  
quos nolit sua virtus esse degeneres, vitæ simul & avitæ  
gloriæ possessores, ut magni Nominis mensuram imple-  
ant, virtutis contentione extendunt animos, & ma-  
gnarum rerum molitione, totam Æternitatis capaci-  
tatem votis, studiisque exæquant; ac ne fidem posteritati  
fallant, votorum magnitudinem, atque altæ promissa  
indolis, primis conatibus ac successibus confirmant,  
spemque sæpe aliorum potius quam suam eò provehūt,  
unde nihil de se nisi magnum, fausto assurgentis in  
laudem tenerioris ævi augurio, portendunt. Sed, ut  
hæc felicitas raro complexo cæteris in laudem cesserit,  
ut essent, quòd pollicerentur: Tu quidem eam Tibi  
propriam fecisti, non solum quòd esse merueris, qui  
futurus videbaris, sed etiam quòd ita egeris ab ipsis  
adolescenciæ exordiis, ut antequam is esses, jam esse  
videreris. Nihil Tibi cum iis commune esse voluisti,  
qui propaginis excelsæ duntaxat radicibus subnixi, ex-  
porrectis latè brachijs, folia potius ad fastum tumentis  
auræ, quam maturos honorum, virtutumque fructus  
complectuntur. In Te ipsa vernantis Adolescenciæ  
species, prægrandem gravissimis moribus autumnum  
refere-



referebat; nec in levioris tantum spei herbam assurgebat, sed in adultam recti moris frugem, facili proficiebat incremento. Quanquam præter naturæ ordinem, veris nomen in annorum Tuorum serie ne quis reperire posset cana Tua eo etiam sub flore virtus maturam se oculis omnium ingerebat. Iam illi voluptas fastidio, pietas in deliciis: jam proscripta ab ætate florida licentiæ fucatâ formâ, eò natum magnis rebus animum agebat, ubi par evaderes spei omnium, indolique Tuæ. Quid ille tam serius, & constans literarii laboris cultus? quid illæ palmares luctæ, Sapientiæ oculis, & arbitrio objectæ? quid illi in arduum Scientiarum verticem, capaci animo faciles, felicesquè ascensus? Quicquid est, quod jam inde moliri voluisti, Patriæ ac Religioni destinabant fata, Tibi etiam eo nomine propitia, quod de Te primos inter gradus statuerent, ut subsidio utriusque atque ornamento cresceres. Blandiatur ingenio Platonis Socrates, quod puerum, quem Philosophicis præceptis instituendum acceperat, Cygnum viderit è gremio suo evolantem, qui deinde non minus erudito cantu, quam admiratione sui orbem impleverit universum. Prodire nimirum aliunde illud Sapientiæ prodigium non potuit, quam ex humano Moderatoris Philosophi sinu, in quo profundioris Scientiæ Nidum, fidam OLORIBVS stationem Sapientia ipsa posuerat. Tu cum primum palæstram literariam, sinum dico Sapientiæ, è Cygnea nobilissimæ Gentis Domo progressus, adiisti, eo animum candore illustrem intulisti, quem nulla adolescentiæ volubilis fuscaret labes, clarissimis deinceps coloribus, aut veriùs candidissimis Virtutum ac Scientiarum radiis illustrandum. Venisti, ut eximiâ morum potiùs ac ingenij probitate, quàm

B 2 Genti-



Gentilitio colore candidus nævorum vacuum, adeoque idoneum maximis decoribus Te ipsum exhiberes; demum olim in theatrum lucis publicæ proditurus, ut suavissimo Virtutum, & Sapientiæ eloquentis concentu, Patriam, ac Imperium Romanum recreares. Et quanquam Te in umbram literarii secessûs còégisse videreris, prodebat Te nihilominus OLOR, an Candor Tuus? quod inter conferta aliorum agmina, illustriùs cæteris emicaret, atque ad compositam, ac concinnam morum comitatem, Tuas emodularetur laudes, dulciùs equidem, quàm ad leviter aspirantis auræ Favonios Cygni solent, ut anticipato prælagio, securam spem, certitudine gaudiorum in desideria commutaret. Vivâ hodie etiam, ac recenti memoriâ hi parietes animati loquuntur, quantum illis afferres lucis, aut cum afferres lucem, quantam affunderes voluptatem! Reviviscit memori conspectu indolis, ac primarum Tuarum laudum, hoc ipsum Sapientiæ domicilium, Te olim hospite & alumno fortunatum; neque sine novæ voluptatis sensu meminit, quem Te jam prospiceret, cum intra hæce parietum angustias semotus, defudares Virtuti ac scientijs; aut potiùs, quòd in Templo Sapientiæ versareris, litares utrifque. Assurgere nobis hodie ipsa hæc faxa, & hæc lugubres suâ desolatione moles attollere verticem videntur, cum Te illum vident, quem, antequam esses, norant, quemque auguriis præfagientium ac votis, toties antehac dici meminêre. Inspirasse illis animam videri possis, quòd vivam & ipsa nostris animis ingerant recollectionem herbescentis in ingentes menses dignitatis Tuæ, & Honorum, quos nunc Illustrissimos circumfers, luce illustrissimâ tunc etiam ex operosissimi illius



otii umbra emicantis. Meminimus perennibus inscriptis fastis exantlatos à Te in Stagyritica arena labores, qui nunc etiam nobis, Te coram intuentibus commōstrant, quo tramite inter erudita sapientissimorum. Doctorum Capita, ultra vulgarem famam, ac opinionem processeris ad Scientiæ apicem: cum limati ingenii acie, ipsam quoque Sapientiam, in illa armatis rationibus disceptantium arena, acriter propugnares. Tum, si quando, armatam se gloriabatur Pallas, cum Tu eruditas manus inter severiores disciplinas confere- res, & promptâ vi acris iudicii, evolveres veri latebras, nodosque, quibus scientias videres implicari, felicius, quam Alexandri gladius, dissolveres. Exploratum fecisti in umbra robur, quod olim in lucem tantæ, quantam suspicimus, moli idoneum esses allaturus. Usque adeo invicto studio, ad consummatam nifus es possessionem Sapientiæ, ut ex opulento Doctrinæ ærario, non scientiæ opinionem, quod quibusdam satis est, sed ipsam scientiam referres. Nos porro illum Tibi tunc etiam plausum dedimus, quem promerebaris, qui scilicet Tuo Capiti hanc ipsam, quæ Te hodie coronat, Infulam devoveret.

At Tu non domestica duntaxat, sed etiam peregrina, neque solum à Scientiis ex umbra, sed à rerum, regnorumque notitia, in publica Orbis luce, huic Tuæ dignitati præsidia moliri voluisti. Progressus in amplissimum tot Terrarum ac Urbium theatrum, sedulus opum animi quæsitior, augere perrexisti industriâ, quod dares Patriæ geminis in salutem ipsius famamque impendiis, quicquid afferres Tecum, uni reddi- turus. Neque illa Te facile extraneis Terris commo- dasset, nisi spem pro obside certam reliquisses, quod

C

Te



Te cum fenore reducem receptura esset. Credidit fidei Tuæ sui æstimationem, quam in Te ita circumtulisti, ut peregrinis moribus, ac Legum institutis pretium Poloni Nominis non imminueres: augeres etiã palmaris atleta gloriæ, pro qua tot spectatoribus, Tibi, Patriæque certasti. Egressus limites cæli Patrii cum esses, constanter intra hereditariæ Virtutis terminos perstitisti, ac remotiùs per latè porrecta Terrarum spatia provectus attendisti, ut ne latum quidem unguè abesses à candore dignitatis, quem magnis insuper incrementis auctum patriæ referre voluisti. Parum erat indoli, Virtuti que Tuæ, si inter procellosas peregrinationum Vias, infames multorum naufragiis scopulos, periculorum immunis, Tuique integer evasisses, prætervectus felici auspicio candidissimi Oloris Tui, Syrtes & Charybdes probitatis; nisi etiam eò animum adii ceres, ut major ac illustrior quàm exieras, Patriæ usibus redires. Quem Te excepit sinu, quem disciplinis pluribus erudit, alienus Orbis! quo eximiæ mentis Tuæ indolem pretio æstimavit! quo certissimâ præfensione altæ spei provehebat dignitatem, virtutemque Tuam! videbaris jam tum crescere rebus maximis; jam regnator animorum ingentes consiliis cætus moderari: jam oracula voce dispensare: jam infulis illustris, aris accedere: ita demum agere, ut qui futurus eras, jam tunc gentium æstimatione esses. Quocunq; Te agerent consilia animi magnis molitionibus ad eximiam dignitatis gloriam assurgens, Tecum & Tu agebas Tui desideria Patriæ inprimis desideratissimus Tuis humeris sese ultro inclinanti. At Tu lento maturoque progressu, sensim magno oneri vires festinabas, ut ferres validiùs, neque ad ferendam tantam molem, festi-



festinatis adeo passibus properabas, ut ne minus Rei-  
publicæ ferendæ paratus accederes, quàm putares ferri  
pro dignitate posse. Non priùs in Solem publicum.  
Reipublicæ totius prodiisti, quàm ex cultum Scientiis  
animum, magnis deinde ac domesticis exemplis, ma-  
gnorum Patriæ Atlantum erudies. Lubienfcios illos  
loquor Pontificijs infulis insignes; duo fulmina dicerē,  
nisi benignissima modestissimi generis humanitas,  
longè à terrore hujus nominis abesset. Scipiones equi-  
dem & columina dixero, quorum diu suffultam con-  
siliis stetisse Patriam, is demum non crediderit, qui  
nesciat, cadere antea, quàm ii occumberent, minimè  
potuisse. Eò Te & conjunctio sanguinis, & æstimatio  
dignitatis justissima pellexerit, ut existimares meritò  
non aliam magnæ Tuæ indoli palæstram parem esse  
posse, è qua salutis publicæ propugnator prodires, quàm  
quæ tot annorū spatiis, tantis spectatoribus & arbitris,  
SIGISMUNDO & VLADISLAO Poloniæ Regibus,  
tot inter Reipublicæ procellas, longo usu erudita  
prudentia, viva exhiberet documenta, qualis ad Rem-  
publicam accederes, si salutem Reipublicæ, quod ani-  
mo destinabas, famamque Poloni Nominis, à privatis  
alienus commodis, suppar & Tu mox Atlas sustentare  
velles. His adytis Tu primum capiebas oracula, quæ  
in magnos usus Patriæ edebantur; ut & Tu divinum  
magnæ mentis sacrarium cognatâ Civilis Sapientiæ ex-  
cultum eruditione disceres, imò jã occiperes inaugura-  
re Templum Consilii publici. Nam & inter prima illa  
consanguineæ Virtutis, ac prudentiæ instituta, & exem-  
pla, is animum videbaris advertere omnibus, ut omnia  
præcepisse priùs videreris capaci ante animo comple-  
xus, quidquid velles edificare, quàm perciperes specta-  
tor aut



tor aut auditor; ut tunc etiam non tam secuturus consilia aliena esses, quàm pari animorum, non annorum nexu, in consensum consilii ac prudentiæ venires. Quidquid de Te spectandum objiceres, apertis in Tuâ dignitatem magnorum Arbitrorum oculis, censuram laudum meritis prævertebas, parem semper consecutus rerum ac negotiorum exitum, & approbationem. Efferebat se ubique ingens animus, & minoribus etiâ subinde curis exercitus, suâ se magnitudine tantum attollebat, quâtus in cursu gloriæ maximis Reipublicæ laboribus & Honoribus non impar assurgeres. Paratum Te negotia omnia habebant, neque minor eras pluribus, cum in Te incumberent certatim, quàm ut parem omnibus industriam afferres: neq; ita suâ Te multitudine in partes distrahebant, ut ne ad singula totus accederes; adeoq; ita Te sibi omnia vendicabant, ut totâ singulis prudentiâ ac solertia adesses. Quamcunq; in illo industriæ theatro personam accepisses, eâ tulisti dignitate, quæ certissimam mensuram Tui palam omnibus exhiberet; non aliam equidem, quàm his Tuis Infulis, titulisq; æqualem. Seu de causis forensibus decerneres cognitor: seu negotijs publicis, privatisq; arcana mentis alienæ sensa certissimus interpretes referres; seu quamcunq; aliam in partem muneris Pontificii ac Senatorii meritissimo Primati venires, Tuum illum honorem ferre videbaris, neq; alieno nomine personatus, alium potius rebus adhibere quàm Te ipsum, Primas jam societate onerum, ac privatâ dignitate, tametsi ab ambitione tanti nominis longissimè abesses. Hæc Tibi publicarum rerum rudimenta adornabant illustre iter, quo vel invitissimus ducereris in majorem lucem, auspicato ad ipsius Serenitatis consuetu-



suetudinem accessu, ex quo & Tu, quod esse merebaris, evaderes Illustrissimus. Qualis verò & quantus Serenissimo VLADISLAI lateri adhæfisti! qualem Te Censor ille oculus prudentissimi Principis conspexit! quis in primo limine tot spectantium oculis videbaris! qualem Te obnoxia tot æmulantium studiis aula salutavit! videre ego mihi videor cum primùm transcenderes augustos postes, primis Te Reipublicæ muneribus transcribi, addici trabeis, devoveri Infulis cæpisse. Et quamvis suis quisque studiis agatur, ut ne ante aliorum cōmodis velificari, quàm suis velit: reperisses tamen neminem in magno splendidoque contententium ad metas votorum cætu, qui pari objectu dignitatis, non solùm Te remorari vellet, sed etiam venire Tecum in contentionem aut vellet aut posset. Adeo primo etiam exortu illustris illuxisti, ut solis orientis instar diffusis circumquaque radiis tot alios, quos primis splendoribus spes altæ attollebant, magnitudine lucis Tuæ velut astra minora pæne extinxeris, morâque objeceris concurrentium studiis ac festinationi, ne prius quæsitam votis adirent possessionem lucis, quàm Tu meridianam atque illustrissimam adires. At non hoc industriâ & consilio agebas, ne alios spectares ante, facilis votis omnium suffragari, nec invitus sequi aditu præmiorum, quos meritis præibas: sed tantùm in animos virtus Tua, dignitasque potuit, ut sese omnis alia dignitas inclinaret uni; nolletque præ se non videri eam quam sua magnitudo cæteris altiùs extulisset. Non Tibi longo studio ambiendi diu penetrabile Regium obsidendum erat, nec machinis agendum & artibus, aut tormentis petitorum (alieni favoris impendiis) ut portam occupares, aperto undique ad regiam benevolentia



lentiæ, cor Principis, accessu, eò usque facile penetra-  
sti, ubi fidem Regii Nominis tutandam, signandamque;  
privatim fervares, ac pæne jam inaugurareris minoris  
præcursu dignitatis, maximus fidei publicæ signorum-  
que Princeps. Credidisses & Tu merito obstringi si-  
mul Tibi fidem Regiam, ut existimare posses, cum tu-  
telæ creditam, velut mancipem haberes jam tunc vadi-  
monio ipsius, nihil Te à munificētia Regali, quicquid  
illa posset maximum, non posse expectare. Præstitis-  
set VLADISLAVS, quod debebat, nisi mors optatissi-  
mi Principis ad subvertendam ruinâ Capitis felicitatē  
Patriæ festinata, moram præmiis objecisset: & Tuæ  
gloriæ interesset, diuturno usu meritorum consequi,  
quod citò merebaris; ut eo illustrior accederes honori,  
quò cumulatior meritis, ornatiores humeros afferres  
sustentando. Nec potuit videri spes Tuas præcidisse ca-  
lamitas publica, cum Principe fortunatissimo extin-  
cto, veluti malorum obice rejecto, ingenti in Patriam  
eluvione exundasset: cum in eo infelicitatis pelago ea  
Te publicarum rerum cura exceperit, ut nunquam felici-  
tate tantum aut crescere meritis, aut famam virtutis  
ac industriæ inclarescere adeoque maturescere honori-  
bus potuisses, quantum Te infelicitas publica agnouit.  
Eadem tot malis ac hostibus ad evertendam Patriam  
se via aperuit, quæ Te ad sublevandam duxit, pari que  
passu infelicitas ad Rempublicam opprimendam irruit,  
ac Tu ad sustinendam festinasti. Tacebo primas illas  
ab occasu Principis fortunatissimi, laudatissimas in he-  
rede tanti nominis deligendo curas, quid laborum ex-  
antlaveris, quantum desudaveris boni publici studio,  
quibus Reipublicæ salutē consiliis sustentaveris publicè  
ac privatim, quis tantis rebus accesseris interpret Inter-  
regis,



regis, id à me silētio potius Tua modestia involvi, quàm  
Oratione explicari velit, Mutâras Principem; quanquã  
nescio an mutasse dixero, quod & Tu fide ac obsequio  
non alius I O A N N I C A S I M I R O, quam fueras  
V L A D I S L A O: & I O A N N E S C A S I M I R V S redivi-  
vū Tibi præstaret in se benevolentia V L A D I S L A U M;  
sed ut alius adiisse Regni gubernacula Princeps videre-  
tur, alium & Te vidimus novo majoriq; meritorum in-  
cremento, dum novis ac quotidianis continuo successu  
malis crebrescentibus, novis & Tu, ac perennibus Prin-  
cipi Patriæq; obsequiis adfuisti. Aderas, quoquo versum  
ageret temporum rerumq; necessitas, undiq; advigilan-  
ti Principi, ut consilijs adesses; anima & nomine Pa-  
triæ, quam certatim undiq; ipsius exitio malis irruen-  
tibus oppressam, ac tantum non extinctam vidimus, de-  
mumq; vidissemus, nisi & Tu animasses. Quos subsidio  
ruinæ, levandisq; rebus Patriæ benevolentia cælestis  
destinârat, Te in eo censu vidimus; primum, dicerem,  
nisi Tu primas aliis submissione modestiæ, deferre di-  
diceris, quanquam animo studioq; primus, aut qui pri-  
mas nulli concederes: inter primos equidem pars ma-  
gna tanto operi accessisti, quod nulli secundus esses,  
quisquis Patriæ salutem tueri, aut quærere constanti pi-  
etate vellet. Et cum is accesseris subsidio rerum publi-  
carum, ut primas merueris, prope est ut Te dicam ulti-  
mum, quod tot aliis Scipionibus salutis publicæ, quibus  
vitâ Patriæ debemus, pæne unicus inter paucos omni-  
no constantissimus, maximusq; super sis. Magnis Te, ac  
nisi superfuisses & Tu, extremis Reipublicæ periculis  
objecit Tua veriùs pietas, quàm fortuna exploratura  
animum quem Honoribus offerres: ac iis virtus inferi-  
or impar domicilium præstaret. Erat suus & Honori

D 2 ambi-



ambitus ut Te quæreret: ac ambiret, nisi meritissimū  
magnitudine malorum, quantus esset explorabat, non  
aliā mensurā certiūs cogniturus, quā quæ à magnitu-  
dine calamitatis publicæ haberetur. Talem Te fatalis  
illa Patriæ tempestas reperit, qualem adesse oportuit  
periclitanti, ne periret; non minūs studio voluntatis,  
quā consilio paratum, quidquid res, ratioque posce-  
rent, profundere in usum publicæ salutis & utilitatis.  
Vitam ipsam Patriæ, quam vitā habebas cariorem,  
toties impendisti, quoties inter adversa hostiū civiū-  
que arma stetisti in acie pacatus bellator, non Martis  
sed Palladis accinctus armis, non gladio sed consilio  
quæsiturus pacem publicam, & incolumitatem. Capax  
Tibi animus periculorum æquē ac consiliorum, nec  
tantum in Rempublicam infelicitas potuit, quantum  
Tu in calamitates animo, prudentiāque posses, si saluti  
Patriæ perinde ac consilia, arma festinarent. Sed ne illa  
Te tantum Civem numeris omnibus absolutum habe-  
ret, Patrē ut agnosceret, ad aras meruisti. Nam quoties,  
aut quā religione animi, cum necessitas fatalis consiliis  
vim eriperet, cumque animam Patria agere videretur,  
supplex accidisti aris ac Cælitibus, ut subsidium rebus  
adeo deploratis cælo accerferes? Et credam non im-  
meritò eximiam hanc cæloque gratissimā religiosi  
animi voluntatem tantum potuisse, ut propitio Numi-  
ne succumbentem malis patriam vindicaret ab interitu  
supremo. Geminis Patriæ impendiis merere, aut veriūs  
Tuæ erga Patriā pietati geminā voluisti litare victimā,  
prudentiæ civilis, ac religionis, ut supra humani ingenii  
vires altiūs etiam suppetiis quæsis, validiūs Patriam  
tuereris utrinque tātus Patriæ propugnator, quantum  
ratio calamitosissimi temporis poscebat. Quid à Patria  
interim



interim arbitrato Principis referres, tantum abest ut non laboraveris, ut totus in Rempub: animo studioque intentus Tui plane immemor pro meritis augeri velles, non premiis, nec fervida, tametsi non injusta festinatione ageres, ut onustus honoribus, dulci laborum fructu, rejiceres onera, felici declinaturus otio ingentes curarum publicarum laborumque moles, quibus nisi maxima diuferendis Virtus sufficere non possit. Lentiùs, quã aut ipsa vellet, aut Tu mereris, Tibi præmia festinabat, ut diutius frueretur industria Virtutis Tuæ, neque adeo differebat, quod data erat, ne libentissime præstaret: sui duntaxat studio agebat, ne citius quam vellet, manumittere videretur; amplissimo proventu laudis Tuæ, ut meritissimus acciperes, quod daturam sese, diuturno Tuorum laborum usu, visa est pignerari. Demum quidquid Honorum erat, quos primos capefferes publice, novam Tuis humeris laborum inferebant molem, ut censi posses ipso aditu Honoris, non tam ornari titulis, ac insignibus Honorum, quam obtentu nominis speciosi, ingens pondus onerum subire. Tuã causã, quanquam laudatissimã; egit de Te Patria, ut Te neque honoratum vellet, quin submitteret oneri, quod iis esses humeris à natura ac industria, ut quidquid in Te incumberet, ei ferendo sufficeres: neque adeo crescere onerum magnitudo posset, quin paratas afferres vires tot insuper aliis insigni robore animi sustinendis. Atque ut imbrium, fontiumque decursus, magnis fluviis exundantes eò impetu feruntur, quò decliviores, sustinendisque adeo eluvionibus aptiores valles exporrectæ ducunt: ita magni, quos in Republica exantlari oportet, ingentium laborum confluentes, ad Te plenis alveis decurrebant, qui vastissimam ferendis

E

omni-



omnibus magnitudinem animi præstabas. Major es, quam ut inhorresceres objectu molis; hîc Te parem. virtuti campum subire arbitratus, ubi cum laboribus maximis in arenam descenderes luctator, atque in hac Palæstra Hercules omnem magnitudinem ac molem superares. Quid enim? quis primum illud publici Nominis ornamentum animo sensuque excepisti, cum primus à secretis Reipublicæ Principis renuntiatus oraculo, oculisque omnium ac famæ objectus in novam Honoris lucem prodiisti? Videris tum verò mihi, tot ante laboribus perfunctus, militari tessera Principis Romani excitus pæne auribus accepisse illam Gloriæ altiùs assurgentis vocem. LABOREM V S. Tantùm ante laborum Patriæ Principique expenderas, quantum à nemine expendi posset, nisi Civis optimi mensuram tot impleverit numeris, quot Tu hanc eximio virtutis ac industriæ prægressu excessisti: novum Te hic nihilominus, ac insignem athletam excepit cæpus novis pro Republica laboribus exercendum, Tuque in hoc virtutis, gloriæque stadio, ideo Tibi visus es constitisse, ut initiatus novi Honoris insignibus antistes meritorum, meritis alios anteires, neq; adeo prosequi cursum meritorum velles, sed ordiri. Ut sol radiorum magnitudine illustrior effulget, quò altiùs cælo surrexerit; ita Tu propectu Honoris sublimior, clarissimis magnorum operum incrementis illustriùs non minùs Tuæ gloriæ, quam saluti Patriæ illucescere cæpisti. At enim magnæ Tuæ indoli, virtutique animi exiguus campus fuit Patria, neque tot laboribus, quos saluti publicæ, dignitatique devoveras, quâ latè Polonia in campos tenditur, par Tibi subiisse theatrum videbaris: ne impari in campo Tua se explicaret Virtus,

tota



tota Te Romani Imperij magnitudo expectabat, Præ-  
nuntia Te fama peregrè loquebatur, atque antea quàm  
publicus Orator Regis aut videri, aut audiri posses, jam  
spectari Imperio, jam audiri videbaris. Suis Te colori-  
bus expressum, hoc est certâ Tuæ dignitatis magnitu-  
dine illustrem ferebat, nisi quòd & illa minùs de Te lo-  
qui posset, quàm ut Tuæ dignitati paria loqueretur,  
ipsa rei magnitudine vocalissimum famæ sonum exce-  
dente. Quis animo, ac ingenio, quis cultissimâ sapien-  
tiæ eruditione, quis commendatione exactissimæ pro-  
bitatis, quis usu industriæ ac laude meritorum veni-  
res, spectavit Imperium in illustrissima luce Tuæ glo-  
riæ, quæ Tibi internebat viam, non minùs in illam cõ-  
siliis publici sedem, quam in animose expectantium &  
corda, quæ Tu priùs occupaveras æstimatione Tui ma-  
xima ac desiderio, quam conspectui adesses. Talem Te  
deinde excepit Ratisbona, ut clarissimam famam Tui  
nominis aspectantium admiratio vinceret: ac tametsi  
opinionem omnium justissimâ talis animis ferebaris, qua-  
lis tot, tantisque rebus consultor, aut author accederes:  
minùs tamen erat, quod de Te præconio famæ fereba-  
tur, quam quod admurmuratio omnium coram est ve-  
nerata. Constitisti in publico Imperii totius sole, in  
eo Principum Procerumque cætu, quem pari jure di-  
xero, ac olim Cyneas Orator Pyrrhi, Senatum multo-  
rum Regum; eo denique in loco constitisti, cujus am-  
plitudini non alia mensura par erat, quàm Tu ipse; is in-  
quam, constitisti qui Princeps in Collegio Principum  
videbaris non alienis coloribus majorum tanti nominis  
specie fucatâ ( quanquam Olorino sanguini illustrissi-  
mus est nidus ) sed propriâ, certâque dignitate, quæ  
jure meritorum in Principem proximè excresceret.



Seu Orator eloquentiâ aures, atque animos amplissimi  
confessus occupares: seu certâ acerrimi iudicii libellâ  
expensas rerum causas, ac momenta negotiorum,  
aut evolveres, aut conflictu explorares: seu demum  
quidquam aliud regii Oratoris officio ageres; parum  
erat, si par loci Collegiique amplitudini egisses, nisi ita  
etiam egisses, ut Princeps inter Principes videreris.  
Quid? illud regiû honoris nomē, qua Tibi impositû di-  
gnitate ferebas? Assurgere se ipsa altiùs ipsa tâti nominis  
Majestas visa est cum à Te ferretur, quod is oneri pul-  
cherrimo humeros ac vires subjecisses, qui studio ho-  
ris publici ulterius progredi volueris, quàm ut partes  
dûtaxat impositi muneris ac personæ impleres. Suspici  
in Te debuit & ipse sua magnitudine Maximus ac Se-  
renissimus IOANNES CASIMIRVS quod vivis ac pul-  
cherrimis virtutum lineamentis eam Principis imagi-  
nem expressam oculis exhiberes, quæ pari omnium ad-  
miratione spectaretur, ac veneratione. Patrium gen-  
tis nomen quantum in Te creverit, oportet! cum in-  
signi æstimatione Tui pretium Poloni nominis assur-  
geret, Tuque animis omnium facilè persuaderes spe-  
ctatus, tantam, ac tantis rebus indolem, Virtutemq;  
natam nonnisi in eo populo nasci posse, quem cæli ac  
naturæ benignitas cultissimarum gentium numero ad-  
legerit. Felices audisse videor, terras dici, quæ tantum  
in uno proferre possent, quantum si natura partiretur  
in plures, abundè ad eximiam speciem videretur singu-  
los instruxisse: fortunatum non minus Principem,  
quem tantorum Civium quibus imperaret, longè ma-  
xima amplitudo majorem faceret, ac illustriorē, quàm  
potestâs regnandi. Peccasset nimium fortuna, nisi tot,  
tantisque decoribus festinasset illa etiam nova decora  
eò dein-



eò deinceps illustriora quòd Tu ea tulisses: festinasset  
nisi, ut fortunam agnoveris, etiam meritissimo dare  
antea non possit, quam fortè fortuna fuerit, quod velit  
justissimo Principis arbitratu dare. Tuum erat quid-  
quid dare posset Patria, neque adeo ulla sese honorum  
altitudo erigit ut ne eam ascēsu dignitatis propriæ me-  
ritissimus adires. Dedit quod primum potuit, seque  
ipsam credidit fidei, Virtutique Tuæ, cū Te Reipub.  
tabulis, ac signis, authoritate Principis, admovit juris  
publici tutorem ac beneficentiæ regiae administrum.  
Quem Te hic honoris gradus exceperit, iis primùm te-  
stibus audire velim, quos ad opem implorandam, ac sub-  
sidium quærendum, aut levandis fortunis, aut injuriæ  
vindicanæ privatæ rei necessitas cogebat, neque enim  
concurrentium, officio gratulandi, studia appello, ne  
amicitiæ potius quàm publicæ ac certissimæ opinionis  
sensu de Te, Tuisque honoribus decernam. Quanta sese  
omnium animis lætitia infudit! quis in omnes ubertim  
exundavit jucundissimæ voluptatis sensus? quibus  
exultantium plausibus, cum primùm exurgeret fama  
Tui honoris excepta est? Novum asylum alter Ro-  
mulus, novus Regni conditor IOANNES CASIMIRVS  
aperuit, sed quod innocentiam tueretur, novum cala-  
mitosis præsidium erexit, Te ipsum novis auctum ho-  
noribus, acerrimum justitiæ vindicem, atque asserto-  
rem æquitatis. Attollere animos visa est justitia, cum  
Te cognitorem accepit secura omnino fui, ac certa  
non aliud se illustrius atque amplius triumphis, quàm  
apud Te Capitolium habituram. Ac ne quidquàm  
deesset ad eximiam Virtutis Tuæ commendationem,  
ipsa hæc tempestas, quæ Te primum vidimus juris, ac  
fidei publicæ custodem vertit in uberrimam segetem  
F laudis



laudis Tuæ excreſcente in ampliſſimum proventum  
gloriæ acerbiffimi temporis egeſtate, ſero adiſti Ma-  
giſtratum, ut glorioſius obires: neq; antea tam illuſtre  
tanti muneris nomen accepſti, quàm poſſes palam fa-  
cere Magiſtratum Tibi cordi eſſe, non quæſtum, ſolam.  
que dignitatem eſſe, cujus ſtudio tot curis, & laboribus  
animum ac vires ſubjiceres, non privatam utilitatem.  
Exhaustis Patriæ opibus, injuriâ temporum, exhau-  
ſtum & Tu animum, vacuumque cupiditatibus gere-  
bas: eâ nihilominus virtutis ingenuæ opulentiâ fui-  
ſti, ut è tot laboribus, quos publicis, privatiſq; rebus  
impenderes, non alium velles colligere, quàm gloriæ  
immortalis quæſtum, atq; hoc interea fortunatus lu-  
cro videreris, quòd ſupra tot laborum impendia, vitæ  
etiam fortunarumq; diſpendiis, ſervires utilitatibus ali-  
enis. His illuſtrium operum ſtudiis erudiit Te virtus,  
ut conſuetudine laborum robuſtior validiorem ani-  
mum curis gravioribus afferres. Quid enim aut Te mi-  
nus ſuis oneribus euperet Reſp. ſanctior, quàm Ciuilis:  
aut Tu minus velles à Te alteri præſtari, quàm alteri  
præſtabas? Invidendus alteri fuiſſes, niſi tantus eſſes,  
ut ſufficeres utriq; unâque firmitudine animi poſſes ge-  
minum tanti ponderis utriuſque Reipublicæ onus ſu-  
ſtentare. Nec Tu refugere oneris gravitatem aut pote-  
ras, aut debebas, quod exiſtimares non minus à Te pi-  
etatis expendi Eccleſiæ, quàm Patriæ oportere: plus  
etiam impenſum velles, quod ſanctitatis pretio cario-  
rem Eccleſiam, quàm Patriam haberes; hanc etiam Pa-  
triam, quæ Te meliori vitæ in lucem dedit civem mu-  
nicipii æterni. Incubuit illa Tibi ſuâ mole, nuſquam  
validioribus humeris ſuſtinenda, Tuq; eam pietatem  
ferendæ ſubjeciſti, quâ omnem Pontificii nominis di-  
gnitatem impleres. Tantus jam diu ante Pontificiis vir-



tutum ornamentis illuxeras universis, ut errasse videri  
possent Ecclesiæ, nisi Te Episcopum optassent, quem  
præreptum alteri suis quæque Infulis meritissimo cu-  
peret admoveri. Certatum est de Te plurimum studiis, ac  
votis, quod cum suo quævis studio eam sibi virtutem  
vellet, quam putaret maximam, neque aliis aut ferri hu-  
meris, aut manibus foveri vellet, quam quæ optatissi-  
mæ viderentur, in Te oculos, animosque omnium rue-  
re oportebat, qui collectu totius dignitatis omnium in  
Te studia ac desideria rapiebas. At Tu hîc Tuo consi-  
lio; hoc est maximo egisti, ne primas inprimis Infulas  
subires: minoribus explorare vires voluisti; tametsi  
quas tantis honoribus afferres, tot jam onerum usu eru-  
ditas attulisses. Fortunatam dixerim Premisliam eti-  
am demissione suâ, cui secundum Te, debet, quod Te  
habuerit, non equidem habitura, nisi aliis infularum  
honoribus inferiorem verticem minor summitteret.  
Quanquam ut hoc felicitati ejus accesserit, quod Te  
habuerit, minus prope est, quam ut optaverit habuisse,  
quod ambientibus Te undique primis, maximisq; In-  
fulis, pæne ideo habitura videretur, ut amissione acer-  
bius doleret. Vidissemus cum Cathedram adires, inter  
prima salutantium officia & studia gratulantium asper-  
sum voluptati doloris sensum, quod nemo dubitaret,  
Tuæ magnitudinis præfagio ita animis omnium omi-  
nante, minorem esse Premisliam, quàm ut diu Te ha-  
bere posset. Neque unus hic tantum Premisliæ obor-  
tus est dolor, quod Te acciperet amissura, nova insuper  
dolendi causa accesseras, quod cum ex Te cepisset men-  
suram Pontificiæ dignitatis, experimento Tui didicerit  
toties dolendum sibi esse, quoties acciderit, ut Te in he-  
redibus habere non possit. Quid? quod suæ felicitatis,



ac securitatis sponſionem ac fiduciam Tuas Infulas habuerit? Aberas neceſſitate temporum; quāquam, quòd animi affectu Premisliæ adfueris, magis aderas, quàm abeſſe videreris: aberas ab oculis duntaxat, cōſpectuq; Tuorum, ut capiti Reipub. adeſſes, prolabenti in ruinam Patriæ ſubſidium conſilijs allaturus: ea tamen Tui nominis majeſtas fuit, ut non minus fortunæ inconstantī, quàm hoſti ſævienti injecerit ſui reuerentiam, ut officio ſalutandi, non oppugnandi ſtudio Premisliam adiſſe videretur. Umbra Tui nominis tanti erat, ut præſtaret ſecuritatem Tuis, atq; hæc Tiara, quæ te coronaverat, viſa eſt validiſſimis propugnaculis mænia coronāſſe. Neque Tu Premisliam reliqueras inarmatam, ne poſſet retundere armatum hoſtem: validioribus, quod quæſitis cælo armis armaveras: aderas ipſe etiam non benevolentia tantum Pontificia quā Tuos animares potiùs, quàm armares; verum etiam pietate ac religione, quā fortiſſimus Tuorum propugnator cælum ipſum in hoſtem armare potuiſti. Præverteras jam ante hoſtiles Aquilonis lituos, & Pontificiæ ſolicitudinis claſſico Tuos conciveras ad arma, quibus uno impetu cælum ſimul oppugnares & hoſtem. Bellum & Tu moliri voluiſti; at religioſo armorum apparatu: ut extenuares hoſtem, palmares inediae copias inſtruxiſti, atque ut deſiceres animis, ſupplex ipſe, & affuſus aris toties jacuiſti victima Pontificiæ pietatis, ac religionis. At hæc neq; unica Tibi, neq; maxima curarum fuit, ut turbulentiffimi temporis tempeſtati Tuos eriperes, Teq; ijs Pontificem præſtares propenſiſſimæ ſtudiis pietatis: quidquid demum tanti nominis honori debuiſti, Tecū Tua Inſula accepit, carioribus, quòd cæleſtibus Tuarū virtutū longè jam illuſtrior. Vidimus; neque enim aliis ſpectato-



etatoribus propior aris accesseras. Vidimus in hoc ipso  
benevolentiae erga nos ac beneficentiae SIGISMUNDI  
III. tam augusto monimento, inter has basilico opere  
constructas in Templum moles, in hoc magnificentiae  
regiae amplissimo theatro, in hoc tot Caelestium exuviis  
divite, titulisque ac nominibus Apostolorum Principum  
insigni divinae munificentiae, Divorumq; palatio;  
hic, inquam, Te Vidimus, ubi Te Episcopum, citra  
usum nominis, jam olim habuimus clarissimo virtutis  
Tuae, dignitatisq; praesagio; cum Sanctissimi, atq; illu-  
strissimi honoris initiandus insignibus ad aras accede-  
res, iis Te jam Pontificiae Virtutis ornamentis illu-  
strissimum fuisse, quibus ante Episcopus videri pote-  
ras, quam initiareris. Episcopum Te reperit Tuus ho-  
nor, eum equidem quem Tu ipse de Te feceras, vir-  
tutis inauguratione; neq; alius illa auspicalia Honoris  
sacra aut lustrali oleo, aut Infulis submittebas Caput,  
quam qui sola Pontificii nominis dignitate careres.  
Vidimus cum inaugurareris, publico omnium assensu  
Infulis Te crevisse, Teq; ipsum certissimam Honoris  
Pontificii mensuram Honori accedere, neque alteri a-  
ptius capiti sacrum illud verticis ornamentum potu-  
isse indui, quam Tuo. Quam credideris nostrum omni-  
um animis obortam voluptatem cum Te hic spectare-  
mus creari Antistitem Sacrorum, ubi olim sapientiae  
antistes spectabaris! Sensimus novis nos nominibus ob-  
stringi dignitati Tuae, quod ea effecerit, ne aliud spes  
nostrae de Te ante praeceperint, quam quod oculis spe-  
ctamus. Neq; Tu alibi videbaris aut aptius, aut felici-  
us initiari potuisse Pontifex, quam inter haec tam illu-  
stria felicissimi Piscatoris, ac Clavigeri monumenta;  
ut annulo Piscatoris impressam, signatamq; aeternis  
G chara-



characteribus acciperes Dignitatem, atque à Principe  
cælestium clavium administro & Tu ad usum clavium  
admissus in consortium Honoris Apostolici venires.  
Adfuisse cælo credidimus religiosæ pompæ non specta-  
tores tantum, sed actores etiâ. Divos Cælestiû Prin-  
cipes, huius Basilicæ tutelares, quòd Tu hos inprimis  
inter ea sacra Antistites Tibi volueris adesse, quibus eâ  
hospitii gratiam debere voluisti, atq; is initiandus ad  
aras accederes, qui Cælestibus jam ante accesseras imita-  
tione. Nobis equidem, cum Te hîc spectaremus sacris  
religionibus consecrari, visus es consecrare pietatem.  
Tuam, eodemq; sponfore annulo, quo fidem sponsæ  
consignabas, Tuam in nos benevolentiam consignare.  
Quis interea Cracoviæ, Tuæ jam, animorum sensus?  
Exultantem illam etiam sensimus, cum Te in ejus sinu  
Infulæ coronarent, quòd & certissimo Tuæ dignitatis  
augurio, & iustissimis bene ominantium studiis, ac votis  
suam nasci felicitatem in alienis honoribus videret.  
Eam in Te magnitudinem jam ante viderat, quàm præ-  
reptam sibi ne existimare posset, illa ipsa fecit magnitu-  
do quæ angusto domicilio diu habitare non posset: ne-  
que illa, cui primùm Te Antistitem Tua destinabant  
fata, adeo Te ambire Provincia potuit, ut perennem  
haberet: visa est & illa, ut plurimùm sibi cuperet, tan-  
tum equidem cupere non posse, ut injuria in Tuam di-  
gnitatem esset. Debuit suæ in Te pietati, ne tantum  
sibi vellet, quantum velle ex Tua dignitate non posset,  
aut suis tantum usibus optaret dignitatem, quam toti  
rerum maximarum magnitudini parem agnosceret.  
Majores primo etiam aditu Pontificiis tiaris virtutes  
afferebas, quàm ut limitibus angustis clauderentur, aut  
alio in campo totâ amplitudine explicare se possent,  
quàm



quàm qui esset maximus. Ea Te poscebat magnitudo,  
quæ ut Te mensurâ sui consequi non posset: illud ta-  
men virtuti Tuæ theatrum aperiret, in quo testaretur  
quantum posset, si in campum amplissimum prodiret.  
Hæc ipsa Honoris Tui sedes amplissima, Scep-  
tris Regum, ac diadematis insignis, fortunata Divorum mau-  
solæis, atq; aris urbs, quæ Te tot votis diu expectatum,  
hodie venientem non tam portis, ac tectis, quàm pro-  
pensissimis animorum studiis, & demississimæ pietatis si-  
nu excipit, non eò se magnitudinis tota mole provectâ  
sentit, ut tot illustrissimis Tui animi ornamentis se non  
imparem agnoscat. Ac tametsi jam ante tantus animis  
omnium, ac opinionibus ferebaris, quantus es, aut quan-  
tum Te sacræ juxta ac civilis Reip. negotia invenêre po-  
tius, quàm fecere: ea tamen amplitudine emines, cum  
spectaris, ut major ipsa de Te maximâ opinione coram  
videaris. Ingentium scilicet prægrandi mole rerum in-  
star videris & Tu maior, quò vicinior oculis exhibes be-  
nignitatem Tuam ipsâ etiam vultus Pontificii specie  
promicantem. Erit nihilominus in hoc etiam impari  
tot tantisq; virtutibus theatro locus, in quo tantum Pō-  
tificia industria desudet, quantum ad implendam hujus  
nominis dignitatem desudare oportet. Dabis in hoc  
etiam campo Tuis virtutibus angusto (tametsi spatiis  
longè vastissimo) ea omnis sanctitatis exempla, atque  
instituta, quibus ad perennem utriusq; vitæ, ac felicitatis  
gloriam illustrissimus elucescas. Nam ut lux objectu  
corporis in angustias coacta tantum abest, ut minor ef-  
fulgeat, quàm ante fuerit, ut illustrius etiam clarioribus  
radiis spectantium oculos serenet; veluti majori nisu  
luctata cum angustis eas magnitudine virium evincat:  
ita tu in hoc stadium progressus etsi videri possis angu-



stioribus, quàm pro Tua magnitudine, spatiis arceri :  
nihilominus magni animi indole, ac contentione vir-  
tutis Pontificiæ enitêris, ut major ac illustrior hanc Pro-  
vinciam serenes, quàm Te ipso minorem ingrederis. lis  
artibus ac industriâ instructum Te novimus, ut possis,  
velis etiâ facere majorē non terrarū vastitate ac latitudi-  
ne, sed amplissimis virtutū, atq; omnis sanctitatis incre-  
mētis. Quæ Tibi præ oculis pridē esse voluisti non so-  
lū Honoris Tui, sed etiam virtutis Pontificiæ exempla,  
ea domestica habebis quorum Tu invitatu, ac æmula-  
tione sanctioris gloriæ ingressus cursum, eū Te Pon-  
tificem præstabis, quem soles, non inani specie, & vacuâ  
nominis dignitate, sed certissimis ac pulcherrimis am-  
plissimi Honoris ornamentis. Relegunt ea in Te san-  
ctissimi Antistites, quos Honoris numeras decessores,  
Teq; ipsâ Tuorum decorum commendatione admit-  
tunt in consortium Honoris eâ cælestium mentiū vo-  
luptate, quæ sola Cælestium est; quam scilicet Cælesti-  
bus affundis ipse, dum clarissimis sanctitate vestigiis in-  
sistis imitatione. Hæc Tibi pulcherrima est in hanc Vr-  
bem, ac sedem via, hic aditus lōgē illustrissimus quo me-  
rueris, ut adires. Is qui Te circumfusus undiq; coronat  
splendidissimus comitatus, atq; hæc tota illustrissimæ  
pompe aspectabilis majestas, tanto magnificentiæ o-  
stentū conspicua, debita sunt non solūm Honori Tuo,  
verū etiam, quam Honori propriam attulisti, Tuæ  
dignitati; eaq; publicorum nominum argumenta, quæ  
testimonio publico, in hac tam illustri luce eum Te o-  
culis omnium, animisq; exhibent, qui tot benevolen-  
tiæ, ac venerationis pretia Tui pretio merearis: quid-  
quid tamen est, quod Tibi studiis, ac officiis veneranti-  
um impenditur, minus est, quàm ut pari accedat passu  
ad splen-



ad splendorem, quem ipse Tecum circumducis. Tuus est, qui maximus est, ac splendidissimus virtutum comitatus, quem eò majorem Tibi adesse necesse est, quo plus à Te studii atq; operæ collatum est, ne quid Tibi ad perfectissimam Pontificii Honoris dignitatem deesset. Neque hic hodiernus Tibi est comitatus: jam inde his comitibus maturare cæpisti ingressum in hanc Sedem, cum virtutis, meritorumq; studiis emeritus fuisses, ut ingredereris. Age jam ingredi fortunatus, atque ut diuante animorum aditus occupasti, ita portis, ac domiciliis expectatus succede. Provehere, quo Te pridem provexit Tua virtus: quibus proveharis, habes propensissimos affectus, & studia voluntatum, quæ demissâ veneratione Tui; proinde Tuis Infulis acclinant, ut Te succollare velint, portisque, ac mænibus inferre. Divos ipsos Indigetes erectos Tui expectatione habes quibus multò jucundissimum esse necesse est eximiam virtutis amplitudinē iis sedibus admitti, quas ipsi suis ante virtutibus consecratas posteris ornandas reliquere. Attollit è ruderibus insigne floribus virtutum caput cælestis urbis hujus, ac sedis excubitor Florianus, qui primus cælestium porrecta pæne iterum, ut olim Poloniâ aditurus, manu accedit salutator, Teq; in hanc suam, Tuamq; urbem ducit votis juxta, ac pulcherrimis heroicæ fortitudinis exemplis. Accedunt insigni pompæ tot illustrissimi Heróes, quos Tu ad supremum virtutis verticem duces præeuntes habes. Hyacinthus non floridus duntaxat quæsitis animo ornamentis, sed flos ipse illustrissimi Ordinis, ac Poloni nominis suis virtutum floribus insternit Tibi viam, quâ olim felicissimus fortunatas adeas mentium beatarum sedes. Paribus studiis, ac votis Ivones, Prandotæ, Grotii, Can-

1551 H tii,



tii, Stanislai, Eliæ, Gedrocii, Simones aliaq; illustrissima sanctitate nomina sua Tibi decora festinant, quibus optatissimos aditus sedium æternarum adornes. Nec Tu abesse ab hoc comitatu videris voluisse Stanislae Kostka, qui ut exuvias castissimi corporis, sacrum innocentiae domicilium, substratas volueris magnis Apostolorum Principum cineribus inter Romanas aras: adesse tamen principe Tui parte & hic voluisti, ut hoc ipso capite, quod iisdem Principibus hîc etiam submittis, venerari tantam Pontificiæ virtutis dignitatem posses, aut, quod præstas Patriæ, consiliis, & auxiliis præsto Illustrissimo Antistiti adesses. Erige Tu quoq; è cineribus illam fulminantem terrâ sapientiæ divinæ sedem, illum oris aurei tantis fluviorum alveis exundantem fontem, erige Petre Scarga caput illud, Infulas, cælo teste, ac spectatore, pro meritum; atque hanc Pontificiæ virtutis speciẽ, quam aut animo fingebas, aut formabas eloquentiâ, comes ac spectator admirare. Quid Heroides cælestes? effusas spectaculo prope est ut intueamur, quod & Angelicâ Catharinæ dexterâ saluari, & castissimo Barbaræ sustentari brachio videaris. At Tibi Illustrissime Antistes quem Tecum ubiq; habes, primus est in oculis laureatis infulis insignis Stanislaus, cui ut ne immeritus succederes Honoris heres, non ante Pontificii nominis quàm virtutis hereditatem cernere voluisti, Serenior & ille Tuum aditum in hanc sedem, adornat, quòd Te heredem habeat, quem cuperet; qui prius Pontificii nominis impleveris dignitatem, quàm adires Pontifex non honoris tantum aditu, sed etiam virtutis; quam eò illustriorem Honori affers, quo propior sanctissimis majoribus accedis sanctitatis imitatione. Sequeris trabeati Antistitis Honores, sed eâ confecta-



se&atione, quâ virtutes sequaris, neque alius succedis  
Honori laureato, quàm qui laureati Decessoris seque-  
reris impressa vestigia virtutis. Sequere diu sospes, ac  
felix, atque hoc Ecclesiastici honoris tam sublime so-  
lium iis attollere altiùs, ut soles, ornamentis perge, quæ  
Te olim cælo meritissimum attollant. Arduum  
hoc ascensu iter facilius Majorum vestigia fecêre : at,  
ne alienis tantùm conatibus nitaris, ne difficile Tibi  
fuerit, Tua ipse consuetudine fecisti. Didicisti jam  
diù magnis passibus terere certam felicitatis viam, à qua  
adeo aberrare non possis ut abesse à Te ipso non potes ;  
quòd virtus prope Tibi verterit in naturam. Eruditum  
studiis sanctitatis, & perenni usu animum alienis exem-  
plis adhibes, quæ Tu eâ refingis imitatione, ut Tua fa-  
cias, ita aliis intentus consequendis, ut Tu ipse pulcher-  
rimo virtutis spectaculo in exemplum transeas. Ta-  
lem Te accipit hæc sedes : talis ut esses Pontifex dece-  
bat : (liceat enim nobis de Te oraculo cælesti loqui) ta-  
lis ut haberi posses, Tibi acceptum ferimus, qui talem  
Te ipse feceris. Nos in Te votorum rei illud iterum  
vovemus, ut quàm Te felices, lætiq; accipimus, tam  
constantem hanc nobis voluptatem velit primus  
omnium, summusq; Pontifex, ut Te quàm  
diutissimè habeamus.













